



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 72. Calvinistarum Navarrensiū proditio contra Regios Ministros.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

VI. *Creandus mox erit Bellidux, qui in Sæc. XVII. Bearnium auxiliares copias inferat.* A. C. 1620.

His adhuc duo alii subiciebantur articuli inter arcanos habiti, quorum primo decretum, Lediguerinm & Castilionium commovendos esse in ultionem injuriæ acceptæ ex violata per Regem ipsis data fide de subscribendis articulis, si comitia Loduni habita dissolverentur: Altero autem decretum erat, prima quaque die bellum contra Regem esse inchoandum. Huic quidem articulo obstabant Castri Albigenfium Oratores, Bellujonus, Boisserus, & Jolius, prævalere tamen numero seditiosi.

§. LXXII.

Calvinistarum Navarrenfium proditio contra Regios Ministros.

Quam faciles aures Calvinistæ præbuerint sanguinariis Lescuni confiliis, paulopost prodidit Navarrenfium perfidia. Hi enim Catholicos, & præfidiarios arcis suæ milites opprimere intenti, factionis suæ Duces, Authoresque constituebant Bizinios Nobiles, quos Regi maxime infensos noverant, eoquod hic Præfecturam, quam velut hæreditario jure ad se devolutam existimabant, Poyano Viro apprime Ca-

Serves hist. Franc. p. 961.

Sæc. XVII
 A. C. 1620. tholico contulisset. Præterea Navar-
 reni cives ex Regiis Præfectis Laze-
 næum, Miramontium, & Lavergnium
 per crebra verborum lenocinia, lauta-
 que convivia sibi devincire nitebantur:
 cum autem ex horum Centurionum fa-
 miliaritate præfidiarii milites, nescio
 quid finistri suspicarentur, de insidia-
 rum periculo eos commonefecere: Hi
 ergo, ne officio suo deessent, aucto ex-
 cubitorum numero civium domus, ar-
 maque eo majori sedulitate perquisie-
 runt, quo latius rumor increbuerat,
 quemdam nomine *Neuhaus*, hominem
 Regiis aliunde suspectum cum pluribus
 aliis die octava Decembris urbem fuisse
 ingressum, ibidemque Bizinium lati-
 tare, ac denique cives constituisse, se-
 quenti nocte Regios omnes interficere.
 Perlustrantur igitur ædes, comprehen-
 duntur cives de seditione suspecti, qui
 tamen præfracte factum negantes di-
 missi sunt. Executiuntur etiam domus,
 in quibus latitare dicebatur Bizinius,
 qui tamen cum suis armatis per postu-
 cum domus evasit, ingressi nihilomi-
 nus præfidiarii milites, subter sænum
 occultatos quosdam repererunt juvenes,
 qui itidem ex metu, non autem male-
 facti conscientia sese abscondisse jura-
 bant: Forte tamen Regii in civitatis
 platea interceptere quemdam, qui in-
 tentata

tentata morte territus, ac promissæ im- Sæc. XVII.
 punitatis spe pellectus, ultro factus est, A. C. 1620.
 constituisse seditiosos duobus agminibus
 per eam noctem rem gerere, primum
 agmen iussum esse, centuriones repen-
 te jugulare, postea excubitores in foro
 stationem habentes invadere. Alterum
 Duce Binzinio excubias ad portam con-
 stitutas aggredi, interfectisque omni-
 bus pontem pensilem, qui tunc de mo-
 re levatus erat, demittere, ad recipien-
 dos quingentos viros, qui extra urbem
 in insidiis collocati, occasionem rei ge-
 rendæ expectarent.

Centuriones tam periculosa seditione
 intellecta, summa diligentia tum
 ipsos proditoris Authores, tum reli-
 quos criminis conscios perquirebant,
 eorumque quamplurimos deprehende-
 runt, qui in cloacis subterraneis, hor-
 torum vepretis, granariorum maceriis,
 fossis, cisternis & tectis, armati sclo-
 petis, ficis, & pugionibus latitabant:
 non pauci tamen, atque inter eos am-
 bo Bizinii, evasere, funibus aut scis-
 sis lodicum telis de murorum altitu-
 dine in fossas sese demittentes. Capti
 fuere conjuratorum sexdecim, e quibus
 duodecim laqueo vitam finire, ceteri
 partim de pinnis murorum partim in
 patibulis suspensi, quorum tamen mor-
 tem, ut vindicarent Hugonotæ, in

Sæc. XVII Catholicos in Aquitania, Narbona &
A. C. 1620 Rupellis inhumana crudelitate sævie-
 runt.

§. LXXIII.

*Aliud Hugonotarum conventiculum
 jam antea Alefiæ habitum.*

Calmet Hist. Univ. l. 151. Gramond. l. c. Synod. Nat. Ref. p. 138. Interea vero Calvinistæ Synodum, ut vocabant, Nationalem Alefiæ in Occidania die prima Octobris celebrabant; in ea Dordracensis Conciliabuli acta rata habebant, simulque a Bearnensibus rogati, ut Synodum Rupellis habere possent, a Rege facultatem petere decreverant, mutata tamen postmodum sententia eo potissimum curam intenderunt, ut Privatiensibus Calvinistis necessaria ad bellum subsidia subministrarent: communibus igitur suffragiis collata est in publicum pecunia in bellum sumptus, & quidem Montalbanum triginta octo librarum millia, Castrum Albigensium viginti octo, Amilianum sex millia obtulit, singulæ vero Provinciæ, ubi Conventus agebatur, stipendium militare in novem Menses erogavit, præter privata subsidia viritim collecta, adeo ut Regi ingens belli moles incumberet; his enim suppetiis freti Privatienses Lestrangium Regium Belliciducem, qui in Vivariensem Provinciam,